

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historia Zaringo Badensis**

**Schöpflin, Johann Daniel**

**Carolsruhae, 1765**

LVII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

lata cum fructibus inde acceptis & estimatione damni restituant ac restituta in pace dimittant. Restitutione autem facta si de iure litigare voluerint iudicio vestre discretionis omni appellatione ac contradictione cessante determinanda canonice committimus archipresbyteris decanis sacerdotibus per obedientiam mandamus ut ubicunque in potestate illorum predestinati Sancti Alb. vel supradicti excommunicati fuerint, sententiam excommunicationis ac ecclesiarum Interdictionis inflexibiliter teneant & observari faciant. Datum Lateran. II. Idus Marcii.

## LVII.

CHARTA SENTENTIÆ BERTOLDI IV. DUCIS ZARINGIÆ UT ADVOCATI MONASTERII STEIN.

A N N O M C L X I X.

*Ex Tabulario Capituli D. Petri Basileæ.*

**R**erum dubietate emerfa sineque legitimo decisa ne rursus resiliant ambiguitati quæ me coram gesta sunt scripto placet inferi & nostro sigillo muniri. Quæ enim nituntur iusticia stare debent immota iusto munimine digna. Univerfis igitur ista legentibus perspicuum esse volumus quod ego *Bertolfus Dux & Rector Burgundiæ* pro injuria ecclesiæ de Stein illata, cujus advocatus sum, cum abbate ejusdem loci domino Burcardo gravem me tam (a) judiciali ordine præsidente mouimus

(a) Forte legendum *tanquam*.

mouimus querimoniam in viros quosdam de Chilheim conditione liberos videlicet Adelgotum, Luipoldum & eorum complices quod jus foundationis trium ecclesiarum scilicet *Chilheim, Einmutingen, Matro*, (a) suo mancipassent dominio quas tenore antiquitatis præfatam abbatiam ditioni suæ cum dominio fundatorio subegisse asseruimus. Quod illis infitiantibus seque a multis retro temporibus possedisse asserentibus lege iudicii ad probationem sunt constricti seriem igitur rei prout dixerant septem idoneis testibus licet me renitente comprobabant. Vt autem hæc illis de cætero inuiolata permaneant judiciali auctoritate roboramus & sigillo nostro commmunimus. Facta sunt autem hæc anno ab incarnatione domini millesimo centesimo sexagesimo nono indictione prima epacta prima concurrentibus II. his astantibus ac comprobantibus domino Henrico de Larga Odelrico de Pincheim Cunrado de Baden Bertolfo de (b) Agrigrin Werhero Cunrado Burcardo de Blansingin Heberardo Rudolfo Theoderico de Gupho (c) Volmaro de Utenachir Lutoldo Starholfo Adelberto de Rudelicon Aruoldo de Efringen.

Præterea interfuere religiosi viri communicato quorum consilio rite hæc peregrimus videlicet dominus Guntrammus decanus cum confratribus suis sacerdotibus Friderico Werhero Cunrado Adelberto Harwigo Cunrado aliisque plurimis, quos enumerare superfluum duximus.

(a) *Kirchen, Eineldingen, & Märcht.*

(b) Forte Eggringen.

(c) Hodie *Gupf* prope Tannenkirch.

Nota. Abbatia de Stein (Monasterium S. Georgii in Stein) cum Abbatia Petershusana Civitatis Constant. hodie conjuncta, sita est ad Rhenum inter Constantiam & Schaphusium urbes. Vid. Charta ap. HERRG. *Geneal. Habsb.* T. II. ad A. 1240. Conf. BUCELINI *Germania sacra* Part. II. p. 84.